

Aningaasalersuineq C - 2022

1. Ilinniatitsissutip inissisimanagera

Aningaasalersuinermit ilaapput aningaasaliisartut aningaasaliisarnermilu niuerfiit pillugit ilisimasat aamma suliffeqarfiit aningaasaliissutinik pissarsisarnerat aningaasaliissutinillu atuisarnerat pillugit ilisimasat. Ilinniartitsissummi nunat tamat akornanni aningaasaliissutinik niuerfinni akit pilersarnerat isiginiarlugu suliffeqarfiit pitsaanerpaamik aningaasaliissutinik pissarsinissamat atuinissamullu periarfissaat sammineqarput. Ilinniartitsissummi inuiaqatigiinnik ilisimatusarnermi periutsit atorineqarput.

2. Ilinniartitsissummi siunertat

Ilisimasat piginnaasallu

Ilinniartut aningaasaliisarnermik imatut ilisimasaqartigissapput suliffeqarfiit aningaasaqarnermi inissisimanagerat nunanullu tamat akornanni aningaasaliissutinik niuerfinni periarfissaat pillugit qisuariaateqarlutik isummersinnaassallutik. Ilinniartut Kalaallit Nunaanni sumiiffinni nunanilu allani aningaasaliisarnermi atuagarsorneq atorlugu aningaasaliisarnermi ajornartorsiutinik nammineerlutik paasiniaasinnaassapput sulisinnaassallutillu.

Ikkagaqartarnermi sulinermilu piginnaasat

Ilinniartut ilaatigut ingerlaqqilluni ilinniaqqinnissaq tunngavigalugu aningaasaliisarnermi ajornartorsiutinik ataatsimut isiginnillutik sulisinnaassapput aammalu paasissutissanik naleqquttunik katersuisinnaassallutik nalilersuisinnaassallutillu. Ilinniartut naggusiullugu aningaasaliisarnermi periutsinik teknikkiniillu aammalu paasissutissiisarnermi teknologimi atortunik naleqquttunik suliaqarsinnaassapput.

Inuttut inuillu akornanni attaveqatigiittarnermi piginnaasat

Ilinniartut nammineerlutik suleqatigiiaakkarlutillu sulisinnaassapput. Ilinniartut aammattaaq suliffeqarfinnit iluatsinermut pingaarutaasumik piumasaqaataasoq inuttut annertuumik sunniuteqarsinnaaneq, suleqatiginik suleqatigiiaarluni sulisinnaassuseqarneq pillugit ilisimasaqarneq aammalu sulisunik aningaasaliisartunillu suleqatinik suleqateqarsinnaaneq tunngavigalugit sulisinnaassapput.

Kulturikkut inuiaqatigiillu akornanni piginnaasat

Ilinniartut nunarsuarmi sumiiffimmilu inuiaqatigiinnik paasisimasaqarneq tunngavigalugu sulisinnaassapput, tassunga ilanngullugit suliffeqarfinnut iluatitsissutaasunik suliffeqarfiit aningaasaqarnermi aalajangiisinnaassuseqarnerat sulisunut pingaaruteqartoq. Suliffeqarfiit ingerlaannarsinnaasut inuiaqatigiinni naleqalersitsinissamat qanoq pingaaruteqartiginerannik paasisimasaqarneq aammalu suliffeqarfiit aningaasaqarnermi nunat tamat akornanni akuuffigisaminni inissimanagerat periarfissaallu tunngavigalugit ilinniartut sulisinnaassapput. Ilinniartut naggusiullugu allamiut kulturianni aningaasaqarnermik eqqarsartariaasiannik paasisimasaqarneq tunngavigalugu sulisinnaassapput, tassunga ilanngullugu allatut

kultureqartunik suleqateqarnermi iliuuseqartarnerup naleqqussarnissaa piumasaqaataasoq, ilinniartullu aamma nunat allamiut kalaallit kulturiannut naleqqussaminnik ajornartorsiuteqarsinnaanerannik ilisimasaqassapput.

3. Ilikkagassatut anguniakkat imarisaalu

3.1 Ilikkagassatut anguniakkat

Ilinniartut ukuninnga piginnaasaqassapput:

- a) aningaasaliisartut suliffeqarfiillu nassuiarsinnaassavaat,
- b) aningaasaliissutini akit pilersarnerannik oqallinnermi nunat tamat akornanni aningaasaliisarnermi niuerfiit pillugit ilisimasatik atorsinnaassavaat,
- c) suliffeqarfiit qummut sanimullu oqimaaqatigiissaarinnermi aaqqissuussaanagerat nalilersorsinnaassavaat,
- d) suliffeqarfiit aningaasaqarnermi iliuusaannik oqallinnermi nalilersuinermilu aningaasaliissutaasartut pillugit ilisimasatik atorsinnaassavaat
- e) suliffeqarfiit aningaasaqarnermi aningaasartuutaat pillugit oqaasertalersuisinnaassapput paasissutissanillu ingerlatitseqqiissinnaassallutik aamma
- f) suliffeqarfiit aningaasanik pissarsisarnerannik oqallinnerni nalilersuineruilu nammineq pigisat taarsigassarsiallu atorlugit aningaasaliisarnerit pillugit ilisimasatik atorsinnaassavaat.

3.2 Ilinniartitsissutip imarisai pingaarnerit

Ilinniartitsissutip imarisai pingaarnerit ukuupput:

- a) suliffeqarfiit aningaasaliisartut suliffeqarfiillu,
- b) aningaasaliissutinik niuerfiit,
- c) aningaasaliinerit
- d) suliffeqarfiit oqimaaqatigiissaarinnermi aaqqissuussaanagerat,
- e) nammineq pigisat atorlugit aningaasaliinerit aamma
- f) taarsigassarsiat atorlugit aningaasaliinerit.

3.3 Ilassutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat.

Ilassutitut ilinniakkat toqqarneqassapput taakku pingaarnertut ilinniakkat ilanngullugit ilikkagassatut anguniakkat itisilernissaannut tapersiisussanngorlugit. Ilassutitut ilinniakkat aammattaaq pingaarnertut ilinniakkanni immikkoortunut atassuteqartitsissapput. Ilassutitut ilinniakkat tassaapput maannakkut aningaasaqarneq pillugu ilinniakkat, tassani aningaasaliissutinik pissarsisarneq aningaasaliissutinillu atuisarneq pingaartillugit ilikkagassatut anguniakkanut atassuteqartitsisoqassalluni taakkulu itisilerneqassallutik.

4. Ilinniartitsinerup aaqqissuunneqarnera

4.1 Ilinniartitseriaatsimi periutsit

- a) Ilinniartitsinerni ilinniartut ilinniakkani qaffasissusiat ilisimasaallu aallaavigineqassapput.
- b) Ilinniartitsineq imatut aqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsineq imatut aqqissuunneqassaaq ilinniartitseriaatsit assigiinngitsut paarlakaajaanegassallutik.
- d) Ilinniartitsineq imatut aqqissuunneqassaaq ilinniartut soqutigisaat pisariaqartitaallu isiginiarneqassallutik, taaamaalilluni ilinniartut ilinniartitsissutip pissanganartuuneranik, nalequttuuneranik soqutiginaruuneranillu misigisaqarnissamut periarfissinneqassallutik.
- e) Ilinniartitsineq imatut aqqissuunneqassaaq ilinniagaqarnerup ingerlanneqarnerani sammisanilu ineriartortitsinermi ilinniartitsissut siuariarfiussalluni, tassa ilinniartitsissummi oqaatsit oqariartaatsillu ineriartorfiussallutik, taamaalilluni ilinniartut namminneerlutik suliariaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) ilinniartitsineq imatut aqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Ilinniartitsinermi ilinniartitseriaatsimi periutsit ilinniartitsinerup aqqissuunneqarneranut tunngaviliisuupput. Aningaasaliisarnermi sumiiffinni maannakkut ajornartorsiutit suliarineqartarput, tassa aningaasaqarnermi maannakkut ajornartorsiutit ataatsimut isiginninneq tunngavigalugu nalilersorneqassammata. Aningaasaliisarnermi atuagarsorneq aqqiissuussamik ingerlatsiniarluni paasisaqartitsiniarlunilu ilanngunneqassaaq.

Pisunit ataasiakkaanni tunngaveqarnek ilinniartitsinermik aqqiissuussinermi pingaaruteqarpoq. Pisunit ataasiakkaanit malittarisassanik tunngaveqarluni ilinniartitsinermi ilinniartut isumaliutersuutitik aqqiissuussisinnaassusiat, oqaaseqaatiliorsinnaassusiat ingerlatitseqqiisinnaassusiallu siuarsarneqassaaq.

4.2 Suleriaatsit

Ilinniartitsinermi ilaapput aningaasalersuinerne ajornartorsiutit aalajangersimasut killilikkallu tunngavigalugit sungiusarneq, ilinniartut taamaalillutik aningaasalersuinerne periutsinik suliaqarnermi piginnaasaqalissallutik. Ilinniartitsineq suleriaatsinik toqqaanermi allanngorartitsilluni siuariartortitsiniarlunilu aqqissuunneqassaaq. Ilinniartitsineq aqqissuunneqassaaq ilinniartut ilinniartitsissummi oqaatsinik siullertut oqaaseqarnerat oqaatsillu aappaattut oqaaseqarnerat isiginiarlugu.

Ilinniartitsineq aqqissuunneqassaaq it-p ilinniartitsinermi perorsaaneramilu atortuunera isiginiarlugu. Sammisani suliaqarnermut atatillugu ilinniartitsineq imatut

aaqqissuunneqassaaq ilinniartut sapinngisamik annertunerpaamik attaveqaaqatigiiffiusartunik elektroniskiusunik internetimillu atuisinnaatillugit.

4.3 IT

It-mi atortut tusagassiissutillu ilinniartitsinermi atorreqassapput, suliamut tunngatillugu sakkutut ilinniartullu ilinniartitsissummi ilikkariartornissaannut ikorfartuutit. Ilinniartitsineq aqqutigalugu ilinniartut periarfissat digitaliusut siamasissut atornissaat inerisassavaat, tamatumunnga ilanngullugu ataatsimooqatigiiffinni digitaliusuni allanik suleqateqarneq.

Ilinniartitsineq ilinniartup eqqarsaatigilluakkamik apersusersuisumillu paasissutissanik toqqaasinnaaneranik, misissueqqissaarsinnaaneraniq naliliisinaaneranillu inerisaaqataassaaq. Kiisalu ilinniartitsineq aamma ilinniartut internetip atorneranut attaveqariaatsinullu apersusersuisumik pissuseqarfiginninnissaannut inerisaaqataassaaq.

4.4 Ilinniartitsissummi oqaatsit

Ilinniartitsineq imatut aaqqissuunneqassaaq ilinniartut ilinniartitsissumi oqaatsinik aammalu ilinniartitsissummi oqariaatsinik paasinnittarnerat atuisarnerallu aaqqissuussamik ineriartortinneqarluni. Ilinniartitsineq imatut aaqqissuunneqassaaq ilinniartitsissutit siulianni oqaatsinik oqariaatsinillu ilinniartut piffissap ingerlanerani paasinnilluarsinnaatikkiartortillugit atuisinnaallu artikkiartortillugillu. Aningaasalersuineq Kalaallit Nunaanni nutaat ilinniartitsissutaammat ilinniartitsissutit siulianni oqariaatsinik annertuumik suliaqartoqassaaq.

4.5 Ilinniartitsissutinut allanut atassuteqartitsineq

Ilinniartitsineq imatut aaqqissuunneqassaaq piffissat ilaanni ilinniartitsissutit akornanni suliaqartoqartarluni ilinniartitsissutinilu ilisimasaqarfiulersunut sanilliutitsilluni. Ilinniartitsineq imatut aaqqissuunneqassaaq nunat tamat nunat tamat akornanni ajornartorsiutit aammalu aningaasalersuineri periuksit pillugit matematikki pillugit akornanni aningaasaqarnermut atassuteqartitsinissamut periarfissiilluni.

5. Nalilersuineq

5.1 Ingerlaavartumik nalilersuisarneq

Nalilersuineri ilikkagassatut anguniakkat tunngaviupput. Inunnik ataasiakkaanik ilitsersuineq nalilersuinerlu aqqutigalugu ilinniarnep ingerlanerani tamani ilinniartut ilinniartitsissummi killiffimminni qaffasissutsiminnik ineriartornerminnullu ersarissumik paasisaqalissapput. Sammisaaqarnerit ilanngunneqassapput ilinniartitsissummi pissarsinermik inuit ataasiakkaat ataatsimullu qisuariartarnerannik annertusaasut.

5.2 Misilitseriaaseq

Oqaasertat ilisimaneqanngitsut apeqquutillu arlallit ilanngullugit suliat tunngavigalugit oqaluttariarsorluni misilitsittoqassaaq.

Minutsit 40-t missaanni piareersarnissamut piffissaqartitsisoqassaaq, soraarummeertumullu ataatsimut soraarummeerneq minutsit 20-t missaanni piffissaqartitsisoqassaaq.

Soraarummeerneq soraarummeertup soraarummeertitsisullu oqaloqatigiinnerisigut ingerlanneqassaaq.

5.3 Naliliinermi tunngaviit

Naliliineq tassaavoq soraarummeertup ilikkagassatut anguniakkanik qanoq annertutigisumik malitsineranik naliliineq.

Soraarummeertup ukunani piginnaasai pingaartinneqassapput:

- a) Ilinniartitsissummi ilinniakkanik aaqqissuussisinnaanera ingerlatitseqqisinnaaaneralu
- b) Suliarfimmik isumaliutersuutininik oqaasertalersuina aamma
- c) Kalaallit Nunaannut sumiiffinnut qanittuniittunut nunanilu tamanut tunngatillugu ilinniartitsissumi atuagarsorneq atorlugu aningaasalersuinerminni ajornartorsiutinik oqalliseqarsinnaanera nalilersuisinnaaneralu.

Ataatsimut nalilersuineq aallaavigalugu tamarmiisumik karakteriliisoqassaaq.